

紀效新書

卷九

出征起程在途行營篇第九

明 戚繼光 撰

一主將先傳令票箭期會訖不拘時分但聞第一盪喇
叭收拾軍裝做飯喫訖點查乾糧一面先將前哨塘
報人馬每塘五名各以相望為準不拘遠近每路設
二十四塘大約二十餘里以內自人馬聚處通該差

塘報一齊令行至一里外或不及但彼此可以相望如視望不真即留住一塘立旗站定別塘再走至僅可望見又留一層只至留到二十四層立完站候聽吹第二盪喇叭中軍擺清道旗出次領哨把總等官領人馬挨哨出城主將居中軍第三盪喇叭掌號笛官旗聽發放畢各向哨中軍點鼓如一路行則中軍先點大紅旗一面以前總居前次右總次中總中軍次右總次後總俟各行開已畢中軍豎高招一竿又

各部高招俱起如圖一路行兵行則塘報亦行兵止
則塘報亦止如前途稍寬中軍行至寬處放砲一個
各於脚下立定聽起火二枝放砲二個立起高招二
竿即如圖聽二路行看點藍旗則左總由右行與前
總頭平不動中軍藍旗伏二總旗亦伏中軍又點黑
旗後總由左行與右總頭平立定放砲二個點鼓二
路行如路又稍寬中軍放砲一箇各俱脚下立定聽
放起火三枝砲三個中軍豎高招三竿黃旗急點前

兩路平開空中一路待中總進入與前左二頭平再
放砲三個點鼓作三路行如路再寬可四路行中軍
放砲一個各即於脚下立定聽中軍放起火四枝砲
四個豎起高招四竿前總不動白旗點動右總入左
總之右二頭相平後總入左總之左四頭相平中軍
居其後再放砲四個起火四枝點鼓作四路行如路
再寬可五路行中軍放砲一個各仍立定聽舉起火
五枝放砲五個黃旗點中總入居其中再放砲五個

起火五枝點鼓作擡營而行如五路欲變四三二一路或四三二一路各因道路寬狹變行俱如前層變過圖但聽看中軍既放止砲之後有起火幾枝砲幾個點某色旗即依數分幾路如遇賊凡四五路行即變方營待敵如一三路行之際即變照急營前總速照一總操法備戰左右後三總即各設伏出翼劄老營分投而作前兵見報如賊不來迎戰止許伏哨劄警以待中軍號令不得擅便輕易失事照節制圖式

施行

一前哨有五方旗一副高招一副有事方開見林木開
青旗阻水澤開黑旗遇兵馬開白旗山險開黃旗煙
火開紅旗遇所見之物如捲其高招若道路可一路
行立一面二路行立二面三路行立三面四路行立
四面擡營行立五面後部挨隊遞相傳報


一凡塘報哨見賊急則磨紅旗緩則磨黃旗衆則磨青
旗少則磨白旗無路可行則磨黑旗一層既磨各層

照前一時俱磨一層退至一層如賊不來復又立定
如賊再追一層又退一層只退至營前斷不許見賊
磨旗之後不論賊之追不追來一齊擁衆徑回如此
軍法示衆


一
如賊自塘馬腰內突出與我兵忽遇不及下營者即
下急營我兵即於所行之地立定近賊者不必以抽
間隊盡數備敵先鋒平列打賊次挨牌短兵出戰其
無賊處一面照操撥人應援一面安立釘牌拒馬為

一字陣別部應發援兵者或包水港溝渠若賊可望見者止守營不許遣接奇兵恐賊乘之如賊不見之處雖有險隘溝渠正我兵出奇必勝之利亦須相險設智別渡精銳一二百人遠出不意必可取勝此上策也蓋猝遇賊非伊前鋒則為後殿及或四散搶劫零賊必無大眾惟有制必取勝也


圖之營行路一




圖之營行路二變路一



二 路 變 三 路 行 營 之 圖



三路變四路行營之圖



兵交系言

卷九

四七

一行營該傳接金鼓旗號

一大將旗鼓行軍擺列清道臨時變戰營圖說

一擺列圖另開在後

一凡有職人員俱全裝披執軍器

軍令牌四面可用四人

大門旗十面每面用人二名

五方旗十五面神旗五面單擺飛虎旗五面五方

擺五行五面一字擺用人十五名

角旗十面每面一名

五方高招正副十面用人二十名

坐懸毒一面用人五名護纛親兵二十五名

押旗令旗二十四面用人二十四名下營即散營

內督察監軍

金鼓旗四面用人四名

金鼓二副鉦二擘鈸二擘囉四喇叭四鼓十二笛

二板二細樂八統共計用吹鼓手三十有八名又

每五方旗高招一面後護旗各精兵五名共十層

用兵五十名

將馬前

令牌三面官三員

長短兵每排五名共五層通一隊二十五名

馬後

令字小旗牌背招一十二面用馬十二匹親信膽

勇員役執之每四人一層分三層專聽督遣密令

押後兵二十五名各用長短器

一細近路如線則每五人以中一人前後四人分二層各去一步使不混別層之意前後層各十步

一路寬遠則每照單擺列每前後各去十五步

一遇賊報正行間中軍聞報放起火一枝砲响一聲五方大旗內黃旗即隨主將踏定戰地豎起前後旗號俱攢來黃旗下四方分出立表每方門旗以下旗招護兵等役俱隨各旗立方其本方旗居門旗之中招